

Tha Feardie Geng hae tae  
bide at hame.

Tha Scared Gang fowk, drawins an yairns ir copyrichtit.  
Tha scribever, illustrater an owresetter hae gien their darg  
wi nae chairge fur all weans anent Covid-19.


Prentin or gien tha buik oot fur siller isnae alloood.

Tha buik is biggit oan tha advise gien oot frae tha  
UK Government oan 3rd April 20an20.


[www.sensoryattachmentintervention.com](http://www.sensoryattachmentintervention.com)




Tha Feardie Geng hae tae bide  
at hame.




They cannae g'oot tae schuil.



They cannae g'oot tae tha pairk ir  
sport wi their freens...



...ir g'oot tae their Granny an  
Granda's hoose as weel.




Fur why? Ye see, there's a totey  
wee bug ca'd COVID 19 wha's  
trevellin roon tha hale worl.


Onyplace it staps it maks a wheen  
o puir craiturs wile het, an  
gies thaim a bad hirsle an a gye  
sair heid.

Tha Feardie Geng kens whut gettin  
smit wi tha flu's lake, sae they  
dinnae want a dose o this yin.






Thon wee smittal bug's sae totey,  
ye cannae see, feel, smell, taste  
nor hear it forbye.




Tha Feardie Geng wur vexed aboot  
hoo they cud stap tha smittal  
bug frae comin their lenth.



Tha Docter toul thaim naw tae  
worry their heids - tha answer's  
wile aisy.


Ye's jist hae tae dae thrie wee  
things:




1. Ye need tae bide at  
hame fur tha noo.

2. Ye need tae gie yer  
hauns a guid wash.


3. Hae a bit o crack!




Tha Feardie Geng axed fur why  
dae we need tae bide at hame?



Tha Docter toul thaim tha smittal  
bug lowps frae yin boady til tha  
nixt boady,





sae if aa tha fowk bides at hame,  
tha wee bug cannae smit thaim.



Tha Docter said ye can still  
g'ootside wi tha same fowk that  
leeve in yer hoose





as lang's ye bide far awa frae  
ither fowk.

Tha Feardie Geng axed hoo giein  
yer hauns a guid wash cud keep  
ye frae hairm?

Tha Docter toul thaim that wee  
smittal bugs cannae thole saip  
ava, heth they rin awa frae saip.



She toul thaim tae ax a  
grown-up at hame tae gether  
up a big bowl o watter




an then skail pepper ower tha  
watter.



She axed tha Feardie Geng tae pit  
their fing'rs in tha saip, then dip  
thaim in til tha watter.



Tha Feardie Geng cudnae belyve  
their een! Tha pepper flittit awa  
frae tha saip!



Tha Docter said thon's tha same as  
whut tha wee smittal bug daes  
when ye gie yer hauns a wash.


They then axed fur why dae ye  
need tae hae guid crack?

Tha Docter toul thaim that by  
haein a bit o guid valye an bein  
cantie maks ye hale.





Footerin at onythin that plaisses  
ye keeps ye contentit  
an maks ye strang.



Tha Feardie Geng laked tha  
soond o thon! They luv haein a bit  
o a cairry-oan!

Noo, tha Feardie Geng irnae feard  
ony mair, fur they ken if they  
dae tha thrie aisy things:

1. Bide at hame fur tha noo
2. Gie yer hauns a guid wash
3. Hae a bit o crack

They'll be hale, sonsie an best  
o aa – cantie!

Scriveit bae  
Éadaoin Bhreathnach

Illustratit bae  
Sighle Bhreathnach-Cashell

Owreset bae  
Matthew Warwick